

DISCIPLINSKI TUŽILAC ODBACIO PRITUŽBE UDRUŽENJA "DOM"

Otkup nacionaliziranih stanova ide po propisima

Ured disciplinskog tužioca je odbacio kao neosnovane pritužbe Udruženja građana za zaštitu nosilaca stanarskog prava na nacionaliziranim i privatnim stanovima „Dom” o postupanju Općinskog suda u Sarajevu u postupku po zahtjevu za uknjižbu prava vlasništva na otkupljenim nacionaliziranim stanovima.

- U sveobuhvatnoj istrazi je utvrđeno da je Općinski sud u Sarajevu postupao na temelju relevantnih propisa u vezi zahtjeva za upis vlasništva nad otkupljenim nacionaliziranim stanovima, te da ne postoje



Negirane sve optužbe na račun suda

dokazi da je predsjednik Općinskog suda Sarajevo izdao usmenu ili pismenu naredbu da se obustavi

postupanje po zahtjevima građana za upis vlasništva na otkupljenim nacionaliziranim stanovima.

Također je utvrđeno da su svi do sada obrađeni zahtjevi podnosioca riješeni negativno (ukupno 102 do 3. aprila), pa samim tim nije utvrđeno ni da su neki zahtjevi rije-

šeni pozitivno, kao što se tvrdi u pritužbi „Doma”. Isto tako, nije utvrđeno da

je dopis Ministarstva pravde FBiH na bilo koji način uticao na obustavu postupanja u ovim predmetima.

Ured disciplinskog tužioca je od „Doma” zatražio dostavu dodatnih informacija kojima potvrđuju svoje navode, međutim predstavnici „Doma” nisu dostavili tražene informacije.

Na osnovu ovih činjenica, Ured disciplinskog tužioca je došao do zaključka da ne postoje osnovi za daljnje postupanje u pogledu eventualne disciplinske odgovornosti predsjednika Općinskog suda Sarajevo - saopćeno je iz Ureda.